



**Sámi allaskuvla**

Sámi University of Applied Sciences

OAHPPOPLÁNA

**PLÁNEN, HUTKÁIVUOHTA JA  
DUDDJON**

15 oahppočuoggá

## 1. OAHPPOOVTTADAGA NAMMA

Sámegillii: Plánen, hutkáivuohta ja duddjon

Dárogillii: Planlegging, kreativitet og duodji

Eanjalasgillii: Planning, Creativity and Duodji

## 2. OPPALAŠ DIEĐUT OAHPU BIRRA

- **Oahppokoda:** DUO-1005
- **Dássi:** Bachelor, vuodđooahppu
- **Viidodat:** 15 oahppočuoggá
- **Galli lohkanbaji badjel:** 1
- **Oahpu lágideapmi:** Neahttadoarjjaoahpahus: Oahpus leat sihke fysalaš deaivvadeamit Sámi allaskuvllas ja neahttaoahpahus. Logaldallamiidda lea vejolaš oassálastit neahta bokte, muhto hárjehusat ja bargobájit gáibidit fysalaš searvama.
- **Fágalaš latnjalasvuohta:** Oahppu vástida DUO 105 Plánen, hutkáivuohta ja duddjon (15 oč) oahpu.

## 3. OAHPPOPROGRÁMMA GULLEVAŠVUOHTA

Oahppu lea geatnegahtton vuodđooahppu duoji ja hábmema bachelorprográmmas. Dat sáhtá leat maiddá doarjjafágan dahje välljenfágan eará bachelorprográmmain dahje eará oahpuin .

## 4. SISABEASSANGÁIBÁDUSAT

- Dábalaš sisabeassangáibádusat alitohpahussii. Sisabeassanvuodđu sáhtá leat juogo oppalaš lohangelbbolašvuohta (čadahan joatkkaskuvlla/logahaga/gymnása) dahje reálagelbbolašvuohta. Oppalaš lohangelbbolašvuođa gáibádusat olgoriikkaohcciide bohtet ovdan NOKUTA GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámegielmáhttu.
- Duodje-, dáidda- dahje hábmengelbbolašvuohta

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30

oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuoda gáibádusa sáhtta duođaštit čuovvovaš vugiid mielde: Norgga joatkkaskuvllas čađahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaohpu, Ruota gymnásas čađahan estehtalaš- dahje sámeprógrámma. Duodje-, dáidda- dahje hábmengelbbolašvuoda sáhtta maiddá deavdit jus lea maŋnel joatkkaskuvlla čađahan unnimusat jagi duodje-, dáidda- dahje hábmensuorggi oahpu ámmáskuvllas dahje fágaskuvllas, dahje universitehta- ja allaskuvladásis čađahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuodta fágasuorggis, de sáhtta ohcci maiddá duođaštit duodje-, dáidda- dahje hábmenfágalaš gelbbolašvuoda iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proševttain, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuoda meroštallan fágalaš árvoštallamii ja meannuduvvo dán vuodul. Sáhtta nai čađahuvvot ságastallan duodjegelbbolašvuoda árvoštallama doarjjan.

## **5. OAHPAHUSGIELLA**

Váldo oahpahusgiella lea davvisámegiella. Jus oassi logaldallamiin lea eará sámegeielaide, dáro- dahje ruotagillii, de dat dulkojuvvo dárbbu mielde. Jus logaldallamat leat eanjalasgillii, dat eai dulkojuvvo. Eará sámegeielat studeanttaide geahččalit láchit dili nu ahte sii sáhttet čállit bargguid ja oažžut oasi bagadallamis iežaset sámegeillii.

## **6. SISDOALLU**

Oahpus vuojulduvvat dasa, mo plánet, duddjot ja gaskkustit duoji. Oahppu fállá praktihkalaš ja teorehtalaš dieđu, mainna studeanta ovddida iežas hutkáivuoda ja viiddida iežas duodječehppodaga ja áddejumi. Oahpus ávkkástallat čuolmmaidčoavdinmetodaiguin, mat fálet studentii reaidduid plánemii, hábmemii ja duddjomii. Oahpus suokkardallat hutkáivuoda duddjonproseassas. Studeanta sáhtta iežas beroštumi mielde válljet dipma- dahje garraduoji suorggi.

## 7. OAHPPANJOKSOSAT

Mañjel čadahuvvon oahpu lea studeanta olahan čuovvovaš oahppanjoksosiid:

### *Diehtu:*

Studeanta

- dovdá čuolmmačoavdinmetodaid: diehtá välljet, ráddjet ja čielggadit duddjonfáttá
- diehtá hutkáivuoda mearkašumiid plánema ja duddjoma oktavuodas
- dovdá plánemis geavahuvvon reaidduid ja vugiid
- diehtá ovttasbargodynamihka birra ja movt dan váldit dan vuhtii barggadettiin

### *Máhttu:*

Studeanta

- máhtttá suokkardallat duoji estehtalaš ja hutkás čovdosiid
- máhtttá plánet ja gárvet plánejuvvon barggu
- máhtttá árvoštallat ja ákkastallat bargovugiid ja ávnnasválljemiid
- máhtttá vuoduštallat iežas hutkáivuoda ja estetihka välljemiid
- máhtttá geavahit digitála reaidduid oassin iežas ovdanbuktimis
- máhtttá ovdanbuktit iežas duodjeahtanuššama dujiid ja portofolio dahje eará gaskkustanvuogi bokte

### *Obbalaš gelbbolašvuohta:*

Studeanta

- lea hárvánišgoahtán geavahit vugiid gávnnahit hutkás čovdosiid ja bargat plánaid vuodul
- máhtttá ákkastallat iežas duodjefágalaš välljejumiid
- máhtttá gaskkustit fágalaš čuolmmaid ja bohtosiid sihke čálalaččat, njálmmálaččat ja eará relevánta ovdanbuktinvugiiguin

## 8. OAHPAHAN- JA OAHPPANVUOGIT

Bargobájit, logaldallamat, lohkanmeari lohkan, hárvjehusat ja bagadallamat.

## 9. GÁIBÁDUSAT BEASSAT EKSÁMENII

Ovdal beassá eksámenii, galgá studeanta:

- Oassálastit unnimusat 75 % lágíduvvon oahpahasas
- Dahkat guokte geatnegahtton barggu ja portofolio mas leat čuovvovaš barggut:
  1. Praktihkalaš joavkobargu
  2. Oktagaslaš duodji

Fágaoahpaheaddji dohkkeha gáibádusaid beassat eksámenii.

## **10. EKSÁMEN**

Eksámen lea guovtti oasis:

1. Portfolioeksámen mas studeanta čájeha joavkobarggu ja duoji maid lea buvttadan. Deaddu lea 80 % loahpalaš árvosánis.
2. Njálmmálaš eksámenseminára gos studeanta ovdanbuktá bargguidis. Deaddu lea 20 % loahpalaš árvosánis.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide

## **11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?**

Ii leat.

## **12. KVALITEHTASIHKKARASTIN**

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat devdet árvvoštallanskovi oahpu loahpadettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.